

2. ՊԱՅՔԱՐ ՌԵԱԿՑԻԱՅԻ ՀԱՐՁԱԿՈՒՄՆԵՐԻ ԴԵՄ

Ստորիպիսյան դաժան ռեակցիան անտանելի պայմաններ ստեղծեց հեղափոխական աշխատանքի համար: Բայց դա միաժամանակ յուրահատուկ փորձաքար դարձավ ժողովրդի և կուսակցությունների կյանքում: Այն ժամանակ Հայաստանում ու հայ իրականության մեջ գործում էին բուրժուական ու մանրբուրժուական մի շարք կուսակցություններ ու հոսանքներ՝ դաշնակցականներ, հնչակյաններ, «սպեցիֆիկներ», մենշևիկներ, էսեռներ, լիբերալներ, կադետներ և այլն, որոնք իրենց ազգայնական, արկածախնդրական քաղաքականությամբ միայն վնասում էին հայ ժողովրդի ազատագրության գործին: Հատկապես կործանարար դեր էր կատարում բուրժուա-նացիոնալիստական դաշնակցություն կուսակցությունը:

Դաշնակցությունը միատարր չէր և նրա շարքերում խմորումներն ու երկպառակությունները, անշատողական հոսանքները կրել են մշտական բնույթ: Այդ պայքարն ավելի ուժեղացավ ուսական առաջին հեղափոխության տարիներին, երբ մեծ իրադարձությունների ազդեցության տակ ոմանք սկսեցին իսկ մյուսները դարձան ավելի հետադիմական: Ընդհանուր առմամբ դաշնակցությունն աստիճանաբար հեղինակազրկվում էր աշխատավորների աչքում և, ինչպես նշել է Ստ. Շահումյանը 1907 թ., «այդ կուսակցությունը քայքայվում ու կորցնում է իր ոտքի տակի հողը: Հասունացած բանվորները փախչում են այդ կուսակցությունից, որպես այնպիսի կուսակցությունից, որը վնաս է բերում նրանց»²³: Դաշնակցության վարկաբեկման փաստն ակնհայտ է դառնում նաև աշխատավորական մյուս խավերի մեջ: Նույնիսկ Երևանի նահանգապետը 1907 թ. իր զեկուցագրում մատնանշում էր, որ «ներկայումս «դաշնակցության» վարկը բնակչության աչքում... բավականաչափ նսեմացել է: Խաղաղ... հայ բնակչությունը մի շարք դառն փորձերով համատեղած է նրանում, որ իր շահերի ինքնակոչ պաշտպանները և նրանց ինքնուրույնության համար պայքարողները հետապնդում են միայն իրենց անձնական, նեղ-էգոիստական, նույնիսկ ոչ-ազգային շահերը և ներկայացնում են իրենցից ոչ այլ ինչ, եթե ոչ հիվանդագին ուռուցք կենդանի ժողովրդական օրգանիզմի վրա»²⁴: Նույն նահանգապետը 1908 թ. հունիսի 9-ի ոստիկանության ղեկարարամենտին դաշնակցության մասին գրել է. «Վերջին ժամանակներս նրա գործունեությունը Երևանի նահանգում զգալիորեն կրճատվել է և նրա շարքերում առաջ է եկել պառակտում»²⁵:

Այդ ժամանակ, իրոք, դաշնակցության ներսում բավականաչափ ուժեղացան պառակտիչ ու անշատողական հոսանքները, որոնք հանդես էին գալիս աչից ու «ծախից»: Այլ, մոլի խմբապետական շարժում էր միհրանականությունը, որն այդպես էր կոչվում իր ղեկավար Միհրանի (Գարբիել Քելիշյանի) անունով: Նա վճռականորեն դեմ էր դաշնակցության սոցիալիստական գունադարդմանը և կոչ էր անում պայքարել միայն «թուրքահայ դատի» համար. «Դաշնակցությունը,— ասում էր Միհրանը,— հիմնված է ոչ թե սոցիալիզմի համար, այլ թուրքահայերի դատը պաշտպանելու համար: Եթե ես նրա շար-

23 Ստ. Շահումյան, ԵԺ, հ. 1, էջ 395:

24 ՍՍՀՄ ԿՊՊԱ ֆ. 94, գ. 38, 1908 թ. 9:

25 ՍՍՀՄ ՀՆՍԿՊԱ ֆ. «Ոստիկանության ղեկարարամենտ», IV գործավարություն, № 103, Ճ. 108, 1907, թ. 31:

քերի մեջ եմ, այս պարզապես այն պատճառով, որ ուխտել եմ վրեժ հանել թուրքերից, որոնք սպանել են իմ քույրերին և եղբայրներին: Այսպես է և ամեն մի ուրիշ թուրքահայ»²⁶,

Այդ ոգով խմբապետ Միհրանը 1906 թ. «Մշակի» էջերում (թերթի խմբագրության) և հատկապես Հ. Առաքելյանի աշակցությամբ, հանդես եկավ մի շարք հոդվածներով, որոնց մեջ կոչ էր անում դաշնակցության անդամներին՝ մերժել «Կովկասյան նախագիծը», ճանաչել միայն թուրքահայ դատը, վերացնել «կուսակցության բյուրոկրատիկ կազմը» և կոչվել նախկին նահատակների նման, որոնց նշանաբանն էր «Կենցեց ֆիդային, որի մահը կյանք է ծնելու»:

Խմբապետ Միհրանը կարողացավ համախոհներ գտնել, կազմեց իր խումբը ու «ժամանակավոր ղեկավարական խորհուրդ», որպեսզի դաշնակցության մեջ հաստատի իր «ազգական դիկտատուրան»: Շուտով նա անցավ ակտիվ գործողությունների՝ սկզբում Քիֆլիսում և ապա ուրիշ վայրերում: Միհրանը իր ընկեր Շխալու (սալմաստեցի Ստեփան Մելիք-Մկրտչյանցի) հետ միասին 1906 թ. հասավ նաև էջմիածին, որպեսզի ձերբակալի այնտեղ գումարված, այսպես կոչված, ազգային «Հիմնադիր ժողովի» դաշնակցական անդամներին ու դատի նրանց: Սակայն դա նրան չհաջողվեց, որովհետև մի կողմից՝ դաշնակցականներն զգուշացվեցին Միհրանի մտադրությունների մասին, իսկ մյուս կողմից, որը և գլխավորն էր, շուտով էջմիածին «Հիմնադիր ժողովը» ցրվեց ցարական իշխանության կողմից:

Միհրանի արարքները դուր չեկան դաշնակցական շիֆերին, որոնք և որոշեցին հաշվհարգար տեսնել նրա հետ: Այդ հարցով զբաղվեց նաև դաշնակցականների 4-րդ ընդհանուր ժողովը (1907 թ.): Դաշնակցականներն սկզբում 1906 թ. սպանեցին Շխալուն, ապա 1907 թ. վերավորեցին Միհրանին, որը և ցարական իշխանություններին մատնեց իր դաշնակցական նախկին ընկերներին²⁷: Միհրանի եղբայր Հաբեթը սպանեց դաշնակցական ղեկավարներից Ծ. Թոփչյանին: Վրեժխոյի դաշնակցականներն ուժեղացրին իրենց հետապնդումները և 1910 թ. սպանեցին Միհրանին, ինչպես նաև շարքից հանեցին նրա համախոհներին:

Դաշնակցության երկպառակտություններն ու զգվուտոցները օգտագործում էին ցարական ու թուրքական իշխանությունները և ավելի ուժեղացնում հալածանքները հայ ժողովրդի նկատմամբ:

Միհրանականությունը դաշնակցության հերթական արկածախնդրությունն էր, նրա օրինավոր ծնունդն ու ժառանգը, Ըստ էության ամբողջ դաշնակցությունը ներծծված էր միհրանականությամբ, որը, սակայն, տարբեր ժամանակ հանդես էր գալիս տարբեր ձևերով:

Դաշնակցության կազմավորումը գրեթե ամբողջովն նաև «ձախից» 1906 թ. այդ կուսակցությունից անջատվեց «Երիտասարդ դաշնակցականներին» խումբը, որը գլխավորում էին Արսեն Ամիրջանը և Լևոն Աթաբեկյանը: Այդ խմբի անունից 1907 թ. Բաքվում լույս տեսավ Լ. Աթաբեկյանի (Բիխարդ) «Ինչու» ենք անջատվում դաշնակցությունից» բրոշյուրը, որտեղ նշված է, որ «դաշնակցությունը երբեք էլ չի եղել համախոհների մի կազմակերպություն»²⁸, Լ. Աթաբեկ-

²⁶ Առ. Անցյալից, Քիֆլիս, 1925, էջ 197.

²⁷ ՏՊ «Дело партии дашнакцություն», т. 1, стр. 101—106, 144—154.

²⁸ Բիխարդ, Ինչու ենք անջատվում դաշնակցությունից, Բաքու, 1907, էջ 14—15.

յանը դա բացատրում էր նրանով, որ դաշնակցության մեջ հյուրընկալվում են ամեն կարգի մարդիկ՝ շահագործողն ու աշխատավորը, կղերն ու անաստվածը և այլն:

Ավելի հեռուն գնաց «երիտասարդ դաշնակցականների» մյուս ղեկավար Ա. Ամիրյանը (Մրավյան), որը 1906 թ. հրատարակեց «Ժամանակ է սթափվելու» բրոշյուրը: Այստեղ նա մերկացնում էր դաշնակցության բյուրոկրատիային և կոչ անում պայքար մղել շահագործողների դեմ: «Պետք է կովի հայ բուրժուազիայի դեմ, Իսկ կովի բուրժուազիայի դեմ ներկա պայմաններում կարելի է միայն մի ճանապարհով՝ այն, որ ցույց է տվել Մարքսը»²⁹:

Ամիրյանը 1907 թ. հանդես եկավ նոր աշխատության՝ «Դաշնակցության կրիդա» վերնագրով, որտեղ նա դաշնակցությանն անվանում էր «հայ բուրժուազիայի դասակարգային կուսակցություն» և գտնում, որ «որքան շուտ ազատվի աշխատավոր դեմոկրատիան բուրժուական մտածողությունից, որքան շուտ հարե նա սոցիալիզմին, այնքան հեշտ և այնքան շուտ նա կգտնի իր փրկությունը: Որովհետև աշխատավոր ժողովրդի փրկությունը միայն կապիտալիստական կարգերի վերացման և սոցիալիզմի հաղթանակի մեջ է»³⁰:

Ամիրյանը մերկացնում էր դաշնակցության փորձերը գունազարդելու «սոցիալիզմի» անվան տակ և ցույց էր տալիս, որ «դաշնակցության մեջ սոցիալիզմի հյուլի անգամ չկա»: Զանգվածներ շահելու նրա փորձերը սոսկ «դուրստության միտումներ» էին: Ամիրյանը մատնանշում էր, որ «դաշնակցական պապղուն գործիչները», թեև զուրկ են մտավոր ու բարոյական արժանիքներից, բայց օժտված են «գեմազոգիական տաղանդով» և նրանց «լիբսիկոնի մեջ ամեն բան կարելի է գտնել, և՛ ազգ, և՛ դասակարգ, և՛ լիբերալիզմ, և՛ կրոն, և՛ անաստվածություն, և՛ համազգային համերաշխություն, և՛ դասակարգային պայքար... Տեղը եկավ նրանք ազգային են, տեղը եկավ՝ սոցիալիստ, տեղը եկավ՝ նույնիսկ կղերական»³¹:

Ամիրյանը շեշտում էր ռուսական հեղափոխության ազատարար նշանակությունը հայ ժողովրդի համար: Նա, դիմելով հատկապես դաշնակցության ազդեցության տակ գտնվող մասսաներին, գրել է. «Եթե դուք ձգտում եք ազատության, ապա կտրեցիք ձեր կապը հավիտենապես դավաճան բուրժուազիայի հետ... կտրեցիք ձեր կապը դաշնակցական բյուրոկրատիայի հետ... կտրեցիք ձեր կապը ժողովրդի բոլոր թշնամիների հետ և միացած Ռուսաստանի բոլոր ազատասեր ժողովուրդների հետ, նետվեցեք Ռուսաստանի մեծ հեղափոխության գոռ հորձանքների մեջ, որտեղ կգտնեք դուք ազատություն ձեր դժբախտ երկրի»³²:

Ռուսական հեղափոխությունը համարելով հայ ժողովրդի փրկության ուղին, Ամիրյանը մերկացնում էր դաշնակցության կործանարար արևմտյան գիրքորոշումը: Մենք գնում ենք ուղիղ և անսպաթե ճանապարհով, այն ճանապարհով, որին մենք ինքներս ենք հարել, այն ճանապարհով, որ տանում է մեզ ղեպ ազատություն, բայց մենք չենք կամենում գնալ այն ճանապարհով,

²⁹ Մրավյան. Ժամանակ է սթափվելու, 1906. էջ 9:

³⁰ Մրավյան. Դաշնակցության կրիդա, 1907, էջ 14:

³¹ Նույն տեղում, էջ 13:

³² Նույն տեղում, էջ 49:

որ տանում է մեզ դեպ ողորմություն՝ եվրոպական գծում ու ազա՛հ բուրժուազիայից»³³:

Այս բուրժուվ հանդերձ «երիտասարդ դաշնակցականները» կարծում էին, թե կարելի է դաշնակցությունը բարենորոգել, դարձնել հեղափոխական, սոցիալիստական: Չնայած այդ պատրանքին, Լ. Ալաբաբկյանի և հատկապես Ա. Ամիրջանի քննադատությունը սթափեցնող նշանակություն ունեցավ բազմաթիվ շարքային դաշնակցականների համար: Մինչդեռ դաշնակցության ղեկավարներն ատելությամբ ու թշնամաբար ընդունեցին այն և փորձեցին ամեն կերպ վարկաբեկել նրա հեղինակներին, որպես «ուրացողների» ու «սուրայիղծների»: Ե. Թուփյանը (Վահեն) 1907 թ. հրատարակեց «Անջատվածները» պատասխան-գրությունը, որտեղ նա մեղադրում էր «անջատվածներին», իսկ Ա. Ամիրջանին էլ անվանում «ամենաթունդ հակադաշնակցական»:

«Երիտասարդ դաշնակցականները» հրատարակեցին նաև մի շարք թուլեցիկներ, որոնց մեջ դատապարտում էին հայ-աղբրեջանական կոտորածները, ինչպես նաև 1907 թ. փետրվարի 4-ի ու 7-ի Բաքվի ընդհարումները, որոնց ժամանակ իրար դեմ կոպում էին անարխիստ-ունեզրկիչներն ու հայ բուրժուազիայի գույքի պաշտպան դաշնակցական զինվորները: Թուլեցիկներից մեկում մերկացվում էին ինչպես անաբխիստները, որոնք «հեղափոխության սուրբ գործը վեր են ածել անընդհատ կոզոպուտի, հափշտակումների և արշունահողության», այնպես էլ դաշնակցական զինվորները, որոնք «դարձել են բուրժուազիայի վարձկանները և հատուկություն կնքել ռուսիականության հետ»: Այնուհետև «Երիտասարդ դաշնակցականները» գրում էին. «Մենք դիմում ենք բուրժուազիային շրջանների բոլոր աշխատավորներին և կոչ ենք անում նրանց, որպեսզի նրանք բարձրաձայն հայտարարեն բուրժուազիայի ու կառավարության լուրաքանչյուր ուխտագրծած քայլի մասին, որպեսզի խուսափեն դրանցից և անարգանքի սյունին գամեն ամեն մի բանվորի, ով հանդես կգա որպես վարձու մարդսպան»³⁴: Ստ. Շահումյանը գրեց հատուկ հոդված «Երիտասարդ դաշնակցականների պրոկլամացիան» վերնագրով, որտեղ ողջունեց «անջատականների» խմբի ելույթը, այն դիտելով որպես դաշնակցության կազմալուծման նշան. «Մենք ուրախությամբ ողջունում ենք այդ համարձակ և բացահայտ պայքարը դաշնակցականների կուսակցության մեջ տիրող բուրժուական ուխտագրծության ու անխղճության դեմ: Մեզ վաղուց հայտնի է, որ խայտաբղետ տարրերից արհեստականորեն կազմված դաշնակցական կուսակցությունում և, մասնավորապես, մի կողմից, բանվորական ու հեղափոխական երիտասարդության և, մյուս կողմից, այդ կուսակցության բուրժուա-նացիոնալիստական մասի միջև արդեն վաղուց կատաղի պայքար է մղվում... «Երիտասարդ դաշնակցականների» խմբի ելույթը կուսակցության պրոլետարական և բուրժուական մասի ընդհարման նշան է»³⁵: Ստ. Շահումյանը կոչ էր անում գիտակցության եկած հայ բանվորներին բուլժեիկների ղեկավարությամբ և մյուս ազգերի աշխատավորների հետ միասին համատեղ պայքար մղել տիրող կարգերի դեմ. «Ձեր պայքարը՝ հայ բուրժուազիայի հետ կապերը խզե-

33 Նույն տեղում, էջ 50:

34 Ստ. Շահումյան, ԵԺ, հ. 1, 1975, էջ 395—396:

35 Նույն տեղում, էջ 396—397:

լու և սոցիալ-դեմոկրատական կուսակցության դրոշի ներքո հայ, թուրք և վրացի բանվորների հետ միավորելու լավագույն գրավականն է»³⁶։

Բոլշևիկների ազդեցությամբ ու սեփական փորձով համոզված նախկին մոլորված աշխատավորներից շատերն աստիճանաբար հեռանում էին դաշնակցությունից և կանգնում հեղափոխական սոցիալ-դեմոկրատիայի դրոշի տակ։ Այսպես վարվեցին նաև մի քանի «երիտասարդ դաշնակցականներ», ինչպես, օրինակ, Ա. Ամիրյանը, որը 1910 թ. զինվորագրվեց լենինյան կուսակցությանը և դարձավ Անդրկովկասի ականավոր բոլշևիկներից ու Բաքվի 26 կոմիսարներից մեկը։ Բայց «երիտասարդ դաշնակցականների» հիմնական մասը 1907 թ. հունիսին ձևավորվեց որպես ուսական էսեռական կուսակցության ջոկատ՝ «Սոց.—հեղ. կուսակցության հայ կազմակերպություն» անունով, որը զլիավորում էր Լևոն Աթաբեկյանը։ Նրա ակտիվ գործիչներից էին Վ. Մինախոբյանը, Գ. Մելիք-Շահնազարյանը, Մ. Խաչատրյանը, Ա. Տեր-Սարգսյանը, Վ. Խորխորունին և ուրիշներ։ Հայ էսեռները հրատարակեցին իրենց տպագիր օրգանը («Անիվ») շաբաթաթերթը և մի քանի գրքուկներ, բայց երբեք չկարողացան մասնակցել նվաճել։

Դաշնակցականների և էսեռների միջև կային ընդհանրության եզրեր, հատկապես պայքարի ձևերի, ագրարային ու այլ հարցերում։ Վ. Ի. Լենինը գրել է «Դաշնակցությունը»... շատ մոտիկ է էսեռներին, իսկ «երիտասարդները» նույնիսկ մտնում են ս. հ. կուսակցության մեջ»³⁷։ Ընդհանուր առմամբ էսեռների կուսակցությունը հայ իրականության մեջ լայն տարածում չգտավ, որովհետև նրա ֆունկցիաները ևս կատարում էր դաշնակցությունը, Վերջինս, տարված հայ կյանքն իրեն ենթարկելու մոլուցքով, միայն դժգոհում էր, որ հայ էսեռները ոչ թե լրիվ ձուլվեցին ուսական էսեռական կուսակցության մեջ, այլ կազմեցին նրա ինքնուրույն հայ կազմակերպությունը։ Նրանց կարծիքով դա «անպայման թշնամական հարաբերություններ կառաջացնի բարեկամների միջև»³⁸։

Թեև կցիայի տարիներին ուժեղացավ նաև մանրբուրժուական ազգայնական «հնչակյան» կուսակցության կազմալուծման պրոցեսը։ Երևանի նահանգի ժանդարմական վարչության պետը 1908 թ. սեպտեմբերի 9-ի իր զեկուցագրում նշում է, որ «Հնչակ» կազմակերպությունը «բոլորովին կորցրել է իր ազդեցությունը տեղական բնակչության վրա և գտնվում է բայքայման աստիճանում»³⁹։ Հնչակյանները ևս վնաս էին հասցնում բանվորական շարժման միասնությանը։ Բաքվի հնչակյանները 1908 թ. նպաստեցին Միրզոլին գործարանի բանվորների գործադուլի ձախողմանը, և Ստ. Շահումյանը մերկացրեց նրանց գործելակերպը⁴⁰։

Գրությունն ավելի վատ էր հայկական գյուղական շրջաններում, որտեղ հնչակյանները զանազան առիթներով փող էին կորզում գյուղացիներից, բռնություններ գործադրում նրանց նկատմամբ։ 1907 թ. Կողբ գյուղից (այժմյան Նոյնմբերյանի շրջանում) գրում էին, որ ինչպես դաշնակցականները, այնպես էլ հնչակյանները «իրենց գոյությունը պահպանելու համար գործի են դնում

36 Նույն տեղում, էջ 398։

37 Վ. Ի. Լենին, ՆԺԺ, հ. 16, էջ 471։

38 «Дело партии дашнакцution», т. 4, стр. 3184.

39 ՎՍՄՀ ԿԳԳԱ, ֆ. 3, ց. 22, ք. 194։

40 Տե՛ս Ստ. Շահումյան, ՆԺԺ, հ. 2, էջ 419։

րունի միջոցներ»։ Երևանից Կոդը են գնում Հնչակյան երկու զինվորներ և դուղացիներից փող պահանջում։ Գյուղի հասարակությունը նրանց դուրս է վերնդում։ Հոգվածագիրը, նկարագրելով այդ դեպքը, գայրույթով եզրափակում է. «Մեր թշվառ գյուղացին չպե՞տք է դադարի մտրակվել ու հարստահարվել «հանուն ազգի»։ Մի կուսակցություն



Մ. Աղիզբեկով

հոգնում է ժողովրդի վրա բռնություններ գործ դնելուց, մեկ ուրիշն է բրունում նրա տեղը»⁴¹։

Հնչակյան կուսակցությունը նույնպես կազմավորվում էր աշից և ծախից»։ «Զախերն» աստիճանաբար հեռանում էին նրանից և հարում ՌՄԳԲԿ-ին։ Հնչակյան կուսակցության առանձին կազմակերպություններ կամ խմբեր պատմական որոշակի պայմաններում, այնուամենայնիվ, կատարել են այս կամ այն շափի դրական դեր։ Պոլսում 1910 թ. ստեղծված Հնչակյան Ուսանողական միությունը, իր սխալներով հանգերձ, սուլթանական բռնակալության պայմաններում, երբ Թուրքիայում բացակայում էր հեղափոխական սոցիալ-դեմոկրատական շարժումը, իր ուժերի շափ ու իր ձևով ծավալում էր սոցիալիզմի գաղափարների պրոպագանդա։ Այդ միությունը կրում էր

Անդրկովկասի հեղափոխական սոցիալ-դեմոկրատիայի ազդեցությունը և իր հրատարակած «Կայծ» ամսագրում (1911—1914 թթ.) շոշափում էր սոցիալիստական մտքի ու շարժման մի շարք կարևոր հարցեր։ Այդ բոլորով հանդերձ, ո՛չ նշված միությունը և ո՛չ էլ նրա օրգանները չեն եղել մարքսիստական, բայց առաջադիմական դեր են կատարել Թուրքիայում տիրող հետամնաց պայմաններում։

Անշուշտ, այս և նման մասնակի երևույթներն ամենևին էլ չէին փոխում Հնչակյան կուսակցության մանրրորժական բնույթը։

Բավորական շարժման միասնության համար վտանգավոր էին նաև «սպեցիֆիկները», որոնք, ի հակադրություն կենտրոնացված մարքսիստական կուսակցության լենինյան ինտերնացիոնալիստական սկզբունքի, առաջ էին քաշում ազգային սկզբունքը։ Բունդի լիզերներից Վ. Մեդեմն ուղղակի նշում էր, որ «Բունդի և ուկրաինացիների հետ միասին հայկական ս.-դ. կազմակերպությունը կանգնած է ազգային կազմակերպությունների տեսակետի վրա»⁴²։

«Սպեցիֆիկները» հակադրվում էին բոլշևիկներին ոչ միայն կազմակերպական, այլև գաղափարական ու տակտիկական հարցերում։ Նրանց պարա-

41 ՄԻԻ Հայկական մասնաճյուղի արխիվ, ֆ. 5, գ. 51, թ. 64։

42 «Формы национального движения в современных государствах», СПб., 1910, стр. 787.

դուրս Դ. Անանունը, ժխտելով դասակարգային պայքարի մարքսյան տեսությունը, գրում էր. «Հին ճշմարտություն է, թե բանվորների ազատագրումը հանդիսանում է բանվորների գործը, բայց այն գոյություն չունի հայ բանվորների համար»⁴³։ Դա նշանակում էր հայ բանվորներին հեռացնել համառուսական հեղափոխական շարժումից և բարոզել նրանց համագործակցություն հայ բուրժուազիայի հետ։ Դրան էր հանգում նաև «սպեցիֆիկների» ազգային ծրագիրը՝ կուլտուր-ազգային ավտոնոմիան, որն իր էությունը բուրժուանացիոնալիստական ծրագիր էր և մերկացվեց բոլշևիկների կողմից։

«Սպեցիֆիկները» նացիոնալ-սոցիալիստներ էին, մարքսիզմի ռեիզիտներ, մենշևիզմի յուրահատուկ արտահայտություններից մեկը հայ իրականության մեջ, որոնք երբեք չհասան որևէ լուրջ ազդեցություն մասսաների վրա։ Լավագույն դեպքում նրանց կոչում էին «առանց բանակի զենեղաններ»⁴⁴, որոնք ռեակցիայի տարիներին առավել ևս վարկաբեկվեցին։ Նրանք իբրև թե «ամրացել էին» Բաբվում, բայց այնտեղ էլ հող չգտան։

Շրջահույսաց բանվորները և առանձին մտավորականներ երես թեքեցին «սպեցիֆիկներից» և մտան ՌՄԴԲԿ-ի մեջ։ «Սպեցիֆիկյան» կազմակերպության մեջ մնացին միայն նացիոնալիստ-ինտելիգենտները։ «Սպեցիֆիկները» համակերպվել էին տիրող կարգերի հետ, ուստի և չէին ենթարկվում հալածանքների։ Զարմանալի չէ, որ «ո՛չ ժանդարմները և ո՛չ պրոկուրատուրան չեն կարողացել խոշորագիտակի մեջ նույնիսկ նկատել «հայ ս.-դ. կազմակերպության» գոյությունը, որպեսզի գոնե մի հատիկ ձերբակալություն տեղի ունեցած լինեիր այդ «կազմակերպությանը» պատկանելու մեջ»⁴⁵։



Վ. Օրտենիկյան

* * *

Ինչպես միշտ, այնպես էլ ռեակցիայի տարիներին հայ աշխատավոր ժողովրդի արմատական շահերն արտահայտում էին բոլշևիկները։ Նրանք, ղեկավարվելով լենինյան տեսությամբ ու տակտիկայով և անհաշտ պայքար մղելով օպորտունիզմի դեմ երկու ճակատով՝ մենշևիկ-լիկվիդատորների և օտզովիստների դեմ, ռեակցիայի հարձակումը դիտում էին որպես սոսկ հեղափոխության ժամանակավոր պարտության հետևանք և ընդդժմ, որ անխու-

⁴³ «Промысловый вестник», 1907, № 9, стр. 3.

⁴⁴ «Գալոս», 1906, № 71.

⁴⁵ Սա. Շառումյան, ԵԺԺ, հ. 3 էջ 44.

սահելի է նոր հեղափոխությունը, քանի որ շարունակում են մնալ ու գործել այն ծնող պատճառները, Հետևաբար, նոր պայմաններում փոխվում է կուսակցության միայն գործակերպը և ոչ թե քաղաքական-ստրատեգիական գիծը: Բուլշևիկները պահպանում էին իրենց ժրգրային պահանջները և ժողովրդական մասսաներին համախմբում ու նախապատրաստում վճռական մարտերի՝ ընդդեմ տիրող կարգերի: Նրանք ցույց էին տալիս, որ միայն շահագործողական կարգերի տապալմամբ կարելի է հասնել Ռուսաստանի բոլոր ժողովուրդներին, այդ թվում նաև հայ ժողովրդի ազատագրմանը:

Ռեակցիայի տարիներին բուլշևիկները ոչ միայն մշակեցին անլեզու ու լեզուաշխատանքի զուգակցման ճիշտ տակտիկա, այլև, հաղթահարելով աներևակայելի դժվարություններ, հմտությամբ կիրառեցին այն և իրենց զրսևորեցին որպես «կարծրաքար հեղափոխականներ» Ցարական ռեակցիային չհաջողվեց ընկճել նրանց և ոչ էլ ընդհանրապես աշխատավոր մասսաների մեջ վերացնել հեղափոխական պայքարի կամքը: Ահա թե ինչու նույնիսկ դաժան ռեակցիայի պայմաններում բանվորները տերերին ասում էին. «Սպասեցե՛ք, նորից կգա 1905 թվականը: Ռուսաստանի պրոլետարիատը ղեկավարվում էր ոչ թե «աղոտ հույսով», այլ հեղափոխության կրկնության մասին գիտականորեն հիմնավորված հավատով:

Ռեակցիայի հարձակումը լուրջ կորուստներ պատճառեց նաև Անդրկովկասի ու Հայաստանի բուլշևիկներին: Բայց նրանք դիմացան ահեղ փորձություններ և հաջողությամբ մնալով լենինյան գծին՝ շարունակեցին իրենց անխնայ աշխատանքը: Անդրկովկասի բուլշևիկները՝ Ստ. Ծահումյանի անմիջական ղեկավարությամբ նամակագրական կապի մեջ էին Վ. Լ. Լենինի, արտասահմանում գտնվող բուլշևիկյան կենտրոնի հետ, նրանց իրազեկ էին պահում կատարվող իրադարձություններին և ստանում համապատասխան ցուցումներ. «Կովկասյան բուլշևիկների խմբի հետ,— գրել է Ն. Կ. Կրուպսկայան,— մենք միշտ էլ ունեցել ենք հատուկ բարեկամական նամակագրություն»⁴⁶:

Ներկամասի հեղափոխական կյանքում որոշիչ դեր էր խաղում պրոլետարական Բաթում, ուր աշխատում էին Ստ. Ծահումյանը, Գ. Օրջոնիկիձեն, Ի. Ստալինը, Ս. Սպանդարյանը, Պ. Զափարիձեն, Մ. Աղիզբեկովը, Ն. Նարիմանովը, Բ. Կնունյանցը, Ի. Ֆիոլենտովը, Ալ. Մյասնիկյանը և ուրիշներ: Նրանք հետևողականորեն պայքարում էին լենինի գլխի տեսության ու տակտիկայի համար: Ստ. Ծահումյանը 1908 թ. արտասահմանում գտնվող Միխա Ցիակայային գրել է. «Մենք... առույգ կերպով կանգնած ենք մեր պոստերում և աշխատում ենք, կանգ չառնելով ոչ մի բանի առաջ: Աշխատանքի պայմանները, թանկագին Միխա, սոսկալի դժվարացել են. մեզ տառաքիորեն խաչում են, ամեն կողմից թրակոծում են... Բայց մենք չենք վհատվում: Հավատը ղեպի ապագան և սերը ղեպի մեր գործը անսպառ եռանդ են ներշնչում մեզ»: Ապա նա, հարցնելով Վ. Ի. Լենինի որպիսությունը, նշում է. «Մենք ամբողջովին Իլլիչի կողմն ենք» և Համառուսաստանյան կուսակցական կոնֆերանսի Բարվի ժամհատը մենք որոշեցինք... հաճճել Իլլիչին»⁴⁷:

Հայաստանի բուլշևիկները կազմում էին Անդրկովկասի բուլշևիկների մարտական ջոկատի մի մասը: Նրանց գործունեությանն ուղղվելու էին տալիս

⁴⁶ Н. К. Крупская, Воспоминание о Ленине, М., 1975, стр. 177.

⁴⁷ Ստ. Ծահումյան, ԵՃԺ, հ. 2, էջ 108, 109:

Ստ. Շահումյանն ու Ս. Սպանդարյանը Չնայած ծանր պայմաններին, ընդհատակյա կուսակցական կազմակերպություններ ու խմբակներ կային նրեվանում, Ալավերդում, Ղափանում, Ալեքսանդրապոլում, Նոր Բայազետում, Կարսում, Իգդիրում և այլուր։ Այդ ժամանակաշրջանում Հայաստանում գործող բոլշևիկներից հատկապես պետք է նշել Հ. Սարգիսյանին, Գ. Սոկոլովսկուն, Գ. Աթաբեկյանին, Լ. Տեր-Հովհաննիսյանին, Ս. էվոյանին, Ա. Թումանյանին, Պ. Թանդիլյանին, Ծ. Բեթանյանին, Ա. Շահնյանին, Վ. Խաչատրյանին, Ա. Վարդանյանին, Ա. Մարտիրոսյանին, Մ. Մանուշարյանին և ուրիշներին։ Նրանք ագիտացիոն-պրոպագանդիստական և քաղաքական-կազմակերպական աշխատանք էին տանում բանվորների ու գյուղացիների մեջ, բացատրում նրանց, որ հայ ժողովրդի բախտն անխղճլիորեն կապված է ռուս ժողովրդի հետ, որ միայն Ռուսաստանի բոլոր ժողովուրդների համատեղ հեղափոխական պայքարով կարելի է հասնել ցարիզմի ու կապիտալիզմի խորտակման և սոցիալական ու ազգային ազատության։

Հունիսերբլյան հեղաշրջման առթիվ ՌՍԴԲԿ Բորչալուի կոմիտեն հրատարակեց հատուկ կոչ-թուղիկ՝ «Երկրորդ Պետական դրաման արձակված է» վերնագրով, որտեղ ասված էր. «Պայքարի համար մեզ անհրաժեշտ է կազմակերպվել և խտացնել հեղափոխական շարքերը. միայն հեղափոխության միջոցով մենք կարող ենք բավարարել մեր պահանջները։ Հետևաբար, եկե՛ք ընկերներ, կազմակերպվենք»⁴⁸։

1908 թ. ամռանը Զալաջուլի եկան Ստ. Շահումյանը, Ս. Սպանդարյանը, Հ. Հակոբյանը, Գ. Շավերդյանը և անմիջականորեն կապվելով լոռու ու Հայաստանի այլ վայրերի բոլշևիկների հետ, նոր թափ հաղորդեցին նրանց գործունեությանը։

1908 թ. Անդրկովկասի աչքի ընկնող բոլշևիկներից Վահան Հովսեփյանը կուսակցական հատուկ առաջադրանքով Թիֆլիսից՝ Ալեքսանդրապոլի և Երեվանի վրայով մեկնում է Նախիջևան։ Բայց Նախիջևանի կայարանում նա ձերբակալվում է և տեղափոխվում Երևանի բանտը։ Վ. Հովսեփյանի մոտ հայտնաբերվեց բավականաչափ անլեզալ հեղափոխական գրականություն՝ 81 բրոշյուր հայերեն և ռուսերեն, Թիֆլիսում հրատարակվող բոլշևիկների օրգան «Բոլրբա» թերթը։ Անլեզալ գրականության մեջ կար նաև «Զինվորների» քանաստեղծությունը, որը զորքին կոչ էր անում չկրակել յուրայինների վրա։ Չնայած դաժան ուժիմին, բոլշևիկ Վ. Հովսեփյանը Երևանի բանտում էլ շարունակում է հեղափոխական աշխատանք և կապ հաստատում քաղաքի բոլշևիկների հետ. «Կյանքը,— գրել է Վ. Հովսեփյանը,— Երևանի բանտում անցնում էր ծանր պայմաններում, այնուամենայնիվ մեր խմբին հաջողվում է տանել հեղափոխական աշխատանք կալանավորների մեջ, այդ թվում նաև շարքային դաշնակցականների մեջ և հետաքրքրություն ու համակրանք առաջացնել զենյի սոցիալ-դեմոկրատները (բոլշևիկները)»⁴⁹։

Անդրկովկասի ու Հայաստանի աշխատավարժային մեջ բացառիկ եռանդով էր գործում ականավոր բոլշևիկ Մելիք Մելիքյանը՝ Դեղուշկան, որին կոչում էին «կոմունիզմի քարոզիչ»։ Նա հիմնականում աշխատում էր Բաքվում ու Թիֆլիսում, բայց անընդհատ շրջագայում էր Անդրկովկասի տարբեր վայրերում, հաճախակի լինում Հայաստանում։

⁴⁸ ՀՍՍՀ ԿԳՊԱ, ֆ. 115, ց. 1, գ. 15, ք. 7։

⁴⁹ ՀՍՍՀ ԿԳՊԱ, ֆ. 115, գ. 15, ք. 5—7։

• • •

Ռեակցիայի հարձակումը երկրի քաղաքական կյանքում իր ցայտուն մարմնացումը գտավ Երրորդ պետական դումայի մեջ, որը լեհին անվանել է «Սև դումա»: 1907 թ. հունիսի 3-ին ցարական կառավարությունը ոչ միայն ցրեց Երկրորդ պետական դուման և հալածեց նրա սոցիալ-դեմոկրատական ֆրակցիային, այլև հրատարակեց ընտրական նոր օրենք, որով ընդլայնվեցին կալվածատերերի ու բուրժուազիայի իրավունքները՝ է՛լ ավելի վատթարացավ ազգային ժայռամասերի վիճակը: Միջին Ասիան բուլոբուլին զրկվեց ընտրական իրավունքից, իսկ Լեհաստանի և Կովկասի ղեպուտատների թիվը կրճատվեց մոտ երեք անգամ: Բնութագրելով ստեղծված վիճակը, Վ. Կորոլսկին գրել է. «Ծայրամասերը մասնակցում էին ոնց որ խորհրդակցական ձայնով՝ դառնալով ազգագրական զեղեցիկ ղեկորացիա սահարյուրյակային կալվածատիրական մեծամասնությանը ցանկալի դումայի համար»⁵⁰:

1907 թ. աշնանը տեղի ունեցան Երրորդ պետական դումայի ընտրությունները, ընդ որում հունիսերեքյան ռեակցիոն ընտրական օրենքն ու նրա ոստիկանական կիրառումը ցայտուն կերպով արտահայտվեցին նաև հայ ժողովրդի նկատմամբ: Անդրկովկասում կազմվել էր վեց ընտրական օկրուգ, որոնք պետք է առաջադրեին պատգամավորներ. երկրամասի ռուս բնակչությունից՝ մեկ, Թիֆլիսի նահանգից՝ մեկ, Քութայիսի նահանգից՝ մեկ, Կարսի, Բաթումի մարզերից և Սուխումի օկրուգից՝ մեկ, Բաքվի, Նիխավնետալի (Գանձակի) և Երևվանի նահանգներից՝ երկու մարդ, ընդ որում դրանցից մեկը պետք է անալյաման ընտրվեր աղբբեջանցիներից, իսկ մյուսը՝ հայերից և մնացած ազգերից: Այսպիսով, Հայաստանին առանձին ընտրական օկրուգ չէր տրվում և այնտեղից թեկնածուներն պետք է առաջադրվեին երեք նահանգների ընդհանուր օկրուգում՝ մնացած բնակչության (վրացի, հրեա և այլն) հետ միասին, ընտրվողն էլ պետք է տիրապետեր ռուսաց լեզվին:

Ընդհանուր առմամբ Անդրկովկասից ղեպուտատների թիվը՝ համեմատած Երկրորդ պետական դումայում ունեցած ղեպուտատների հետ, կրճատվում էր 14 տեղով, ընդ որում, և՛թե Երևանի նահանգից Երկրորդ պետական դումայի համար ընտրվել էին երեք ղեպուտատ (երկուսը՝ հայ, մեկը՝ աղբբեջանցի), ապա այժմ, Երրորդ պետական դումայի համար, կարող էին առաջադրվել միայն երկու ղեպուտատ, այն էլ երեք նահանգներից (Երևանի, Բաքվի, Նիխավնետալի) միասին վերցրած: Բնորոշ է նաև այն, որ հայ ընտրողները և Բաքվի բանվորները պետք է առաջադրեին մեկ ղեպուտատ: Դա կատարվում էր շատ որոշակի նկատառումներով: Անդրկովկասի ժողովուրդներին մեջ ազգային թշնամանք ու երկպառակություն բորբոքելու և Բաքվի բանվորների հուժկու ձայնը խլացնելու համար ցարական կառավարությունը Բաքվի, Երևանի և Նիխավնետալի նահանգները միավորել էր մի ընտրական տեղամասի մեջ և կրճատել նրա իրավունքները:

Ընտրությունները բազմաստիճան էին, ընդ որում գյուղացիների համար՝ քառաստիճան, իսկ բանվորների համար՝ եռաստիճան, Ինչպես ամենուրեք, այնպես էլ Հայաստանում ընտրություններն անցան ահաբեկման ու կամայականությունների պայմաններում: Աշխատավորության մեծ մասը, ոչ մի լավ

⁵⁰ В. В. Воронский, Избранные произведения о первой русской революции, М., 1955, стр. 248.

բան չսպասելով դումայից, անտարբերությամբ էր ցուցաբերում ղեպի ընտրությունները, իսկ մնացած մասին շահագործողներն ու նրանց կուսակցությունները ոստիկանական ուժով կամ խաբեբայությամբ փորձում էին օգտագործել՝ իրենց թեկնածուներն անցկացնելու համար:

Այնուամենայնիվ ընտրական պայքարը հենց սկզբից սուր բնույթ կրեց՝ Բոլշևիկների համար զրույթունը շատ ծանր էր, քանի որ նրանք ամեն քաղաքում էնթուզիզմով էին դաժան հայածանքներին, Բայց և այնպես տեղական սոցիալ-դեմոկրատները եռանդուն գործունեությամբ ծավալեցին, որպեսզի պատվիրակներ առաջադրվեն դեմոկրատական խավերից: Ուժեղ պայքար ծավալվեց Նոր Բայազետում, որտեղ մոլեզնում էին տեղական հարուստներն ու դաշնակցականները: Բայց և այնպես նահանգական ժողովի պատվիրակ ընտրվեց սոցիալ-դեմոկրատ, ուսուցիչ Ալեքսանդր Արբաշյանը: Երևանի նահանգի պատվիրակների կազմում ընտրվեցին նաև մի քանի աշխատավոր գյուղացիներ, որոնք գնացին Բոլշևիկների ետևից:

Երեք նահանգներից ընտրած պատվիրակները մեկնեցին Ելիսավետպոլ՝ նահանգական ժողովին: Այսպիսով, հանգամանքների բերումով Բոլշևիկների ընտրական կամպանիան, որ ծավալվել էր Բաքվում ու այլ վայրերում, պետք է շարունակվեր Ելիսավետպոլում, ուր Բաքվի Բոլշևիկյան կոմիտեի կողմից գործուղվեցին Ստ. Շահումյանը և Ասր. Մուսայանը: Պատվիրակների կազմը (25 հոգի) աչքի էր ընկնում սոցիալական ու քաղաքական խայտառղիտությամբ, ուստի ղեկավարած ընտրության շուրջը ծավալվեց սուր պայքար՝ ճիշտ է, հինգ սոցիալ-դեմոկրատների կողքին կային ինը գյուղացիներ, բայց վերջիններիս մեջ էին նաև կուլակներ, որոնք հակված էին ղեպի կաղեխներն ու դաշնակցականները:

Հոկտեմբերի 13-ին տեղի ունեցավ նախընտրական խորհրդակցություն, որտեղ տարբեր խմբավորումներ հանդես եկան իրենց պատճառմաներով: Բանվորների ներկայացուցիչ Բոլշևիկ Ի. Վ. Բոկովը, մերկացնելով բուրժուական նացիոնալիստներին և անցկացնելով պրոլետարական ինտերնացիոնալիզմի հստակ գիծ, շեշտում էր, որ «հարկավոր է խոսել... ընդհանուր առմամբ Ռուսաստանի բանվոր և գյուղացի հավաքված ժողովրդի շահերի մասին, ոչ թե ազգերի բաժանման և ատելության, այլ համերաշխության և ընդհանուր կռիվի մասին»⁵¹, Այդ է ճնշված ժողովուրդների ազատագրման ուղին: Բոկովը, անարգանքի սյունին դամելով կաղեխներին ու դաշնակցականներին, ասաց. «Դուք, պարոններ, Պետական դումա եք գնում, որպեսզի ամբապնդեք ցարի երերուն գահը, իսկ մենք գնում ենք այնտեղ նրա համար, որպեսզի վերջնականապես կործանենք մեզ համար ատելի այդ գահը, իսկ ձեր ցարին կենտոնք կեղտաջրի մեջ: Բայց պարոններ, երկյուղ ունեմ, որ դուք էլ ձեր ցարի հետ կընկնեք այնտեղ»⁵²:

Հոկտեմբերի 14-ին տեղի ունեցավ ղեկավարած ընտրություն: Միայն մի քանի անգամ քվեարկություն անցկացնելուց հետո դաշնակցականներին ու կաղեխներին հաջողվեց, զանազան մեքենայությունների միջոցով, հակառակ բանվոր Բոլշևիկ Արշակ Արկերյանի թեկնածության, անցկացնել դաշնակցական Հ. Սաղաթելյանին:

51 Ստ. Շահումյան, ԵԺԺ, հ. 2, էջ 248:

52 ՄԼԻ-ի Հայկական մասնաճյուղի արխիվ, ֆ. 7, գ. 102, ք. 3:

Ստեփան Շահումյանը, մերկացնելով հայ կաղետ-մշակականների զոր-պարտությունները Արշակ Արկերյանի հասցեին, ընդգծեց, որ կաղետները տվին իրենց քվեները պ. Սաղաթելյանին եղ թե այն պատճառով, որ Արշակ Արկերյանը «անգրագետ» է, իսկ Սաղաթելյանը՝ «գրագետ...»: Նրանք այդ արին, որովհետև Արշակ Արկերյանը սոցիալ-դեմոկրատ է և այն էլ «բոլշևիկ» սոցիալ դեմոկրատ, իսկ պ. Սաղաթելյանը, շնայած իր դաշնակցական-էսեռական յառլիկին, մի պարզ կաղետ է՝ եթե ոչ հոկտեմբերյան⁵³:

Դաշնակցական Սաղաթելյանը դեպուտատ էր նաև Երկրորդ պետական դումայում և փորձում էր գյուղացիությանը փրկել գյուղական համայնքի միջոցով, Վ. Ի. Լենինը Սաղաթելյանի այդ վարքագիծը համարեց «անկասկած ռեակցիոն»⁵⁴: Երրորդ պետական դումայում Սաղաթելյանը հավատարմությամբ էր ծառայում ցարիզմին և խոնարհությամբ կատարում օկոյաբրիտ Գուկոլովի հրահանգները: Նրա դեմքը լավ է պատկերել «եսթաբլիշմենտ» կան շարաթաթերով: Այնտեղ ցույց է տրվում, թե ինչպես Սաղաթելյանը խոսելով ինքն իր հետ, ասում է. «Ազգային հարցում ձայն տվի աշխատավորականների հետ, դատաստանական խնդրում՝ կաղետների, ծովային հարցում միացա հոկտեմբերյաններին, բանվորական հարցում՝ կաղետներին, իսկ երեկ, երբ ընկնում էր եկեղեցական հարցը, քվեարկեցի եպիսկոպոս Եվդոկի Մխարոֆյանի և «համաձայն» Չեխովի հետ... Իսկ թե իրոք ի՞նչ եմ ես, աստված գիտի:

Իսկ և իսկ դաշնակցական»⁵⁵:

Երրորդ պետական դումայում միայն բոլշևիկ դեպուտատներն էին, որ վճռականորեն մերկացնում էին ցարական ինքնակալությունը և հանդես գալիս բոլոր՝ մեծ ու փոքր ժողովուրդների պաշտպանության դերում:

• • •

Թեակցիայի հարձակումը զաղափարական ճակատում նպատակ ուներ ամրապնդել ցարիզմի դիրքերը և մասսաների մեջ վերացնել նույնիսկ ամեն մի հիշողություն հեղափոխության մասին: Դրությունն ավելի ծանրացավ նրանով, որ այդ ժամանակ զաղափարական տարրնեցությունն ընդգրկեց նաև հեղափոխական միջավայրը: Սոցիալ-դեմոկրատիան ապրում էր լուրջ ճգնաժամ ոչ միայն կազմակերպական, այլև զաղափարական առումով: Հեղափոխության վաղեմի ուղեկիցներն անձնատուր եղան բուրժուական զաղափարախոսությանը և կանգնեցին մարքսիզմի փիլիսոփայությունը ուղիղիայի ենթարկելու դիրքերի վրա: Մենշևիկ-լիկվիդատորները, օտզովիստները, տրոցկիստները և այլ գուլնի օպորտունիստներ հանդես էին գալիս որպես բուրժուազիայի գործակալներ բանվորական շարժման մեջ և փորձում էին դիպելիտիկական ու պատմական մատերիալիզմին հակադրել իդեալիզմը, նեոկանտականությունը, մատիզմը, միպիրիոկրիտիզմը, կրոնը, միստիցիզմը, «աստվածաշինարարություն» ու «աստվածաբորոնումը»:

Այդ ամենը լուրջ վտանգ էր ստեղծում աշխատավորների զանգվածների համախմբման և հեղափոխության հետագա հաղթանակի կազմակերպման

53 Ստ. Շահումյան, ԵԺԺ, հ. 2, էջ 19:

54 Վ. Ի. Լենին, ԵԺԺ, հ. 16, էջ 472:

55 «Եսթաբլիշմենտ», 1908, № 25:

գործում։ Ահա թե ինչու ղեկավարի տարիներին, երբ զանգվածները պետք է յուրացնեին 1905—1907 թթ. հեղափոխության փորձն ու դասերը, առաջին պլան մղվեցին բոլշևիկյան կուսակցության աշխարհայացքի, մարքսիստական փիլիսոփայության պաշտպանության հարցերը. «Երբ մասսաները մարտում են անմիջական հեղափոխական պայքարի նոր ու շտեմնված հարուստ փորձը,—գրել է Վ. Ի. Լենինը,—այն ժամանակ թեորիական պայքարը հեղափոխական աշխարհայացքի, այսինքն՝ հեղափոխական մարքսիզմի համար դառնում է օրվա լուրճը»⁵⁶։

Անհրաժեշտ էր վճռական հակահարված տալ բուրժուական հարձակումներին, մերկացնել ու ջախջախել ղեկավարների, պաշտպանել ու դարգացնել մարքսիզմի փիլիսոփայությունը։

Պատմական այդ մեծ խնդիրը կատարեցին բոլշևիկները՝ Վ. Ի. Լենինի ղեկավարությամբ։ Հատկապես վճռական նշանակություն ունեցավ կուսակցության առաջնորդի «Մատերիալիզմ և էմպիրիոտիկիզմ» հոլակավոր աշխատությունը, որը լույս տեսավ 1909 թ.։ Այն կոմունիստական գաղափարայնության մնացուցիկ կոթող է, մարքսիստական փիլիսոփայության զարգացման մի նոր, ավելի բարձր աստիճան։

Լենինյան դրույթները դարձան գործողության ուղեցույց բոլշևիկյան կուսակցության, այդ թվում նրա անդրկովկասյան ջոկատի համար։ Երկրամասի բոլշևիկները՝ Ստ. Շահումյանի անմիջական ղեկավարությամբ եռանդուն գործունեություն ծավալեցին նաև գաղափարական հակամարտում։ Բաքվում, Քիֆլիսում, Երևանում և այլուր տեղի էին ունենում քաղաքական, տեսական, փիլիսոփայական վեճեր, որտեղ բոլշևիկները հանդես էին գալիս որպես մարտնչող մատերիալիստներ և, պայքար մղելով մարքսիզմի ղեկավարի փորձերի դեմ, անց էին կացնում լենինյան գիծ։ Ստ. Շահումյանը 1908 թ. գրած իր նամակներից մեկում նշում էր, որ «մենք ևս այստեղ սկսում ենք խիստ հետաքրքրվել փիլիսոփայությամբ, ընթերցում և վերլուծել ենք Դիցքենին, Պլեխանովին, Բոգդանովին և այլն», ընդ որում նա հաստատ հույս էր հայտնում, որ գաղափարական պայքարը կունենա դրական հետևանք՝ «ավելի լավ ծանոթություն մարքսիզմի փիլիսոփայության հիմունքների հետ և... մարքսիզմի լրացումը լինել ցանկացող նոր «իզմերից» մաքրվել»⁵⁷։

Կովկասի բոլշևիկները, դատապարտելով ամեն մի շեղում մարքսիզմից, լիովին պաշտպանում էին լենինյան գիծը. «Մենք,— գրել է Ստ. Շահումյանը,— հաստատ համոզված ենք իլլիշի դիրքորոշման ճշտությանը, և... մեծ անվստահությամբ ենք վերաբերվում էմպիրիոմոնիզմին և այլն»⁵⁸։ Կրկին անդրադառնալով այդ հարցին, Ստ. Շահումյանը նշում էր, որ իրենք ծանոթացել են Բոգդանովի «Էմպիրիոմոնիզմի» երեք հատորներին, «Հասարակության հոգեբանությունից» գրքին և ունեն ծայր աստիճան բացասական կարծիք։ Ստ. Շահումյանը ցույց է տալիս, որ Բոգդանովի թեզը՝ հասարակական կեցության ու գիտակցության նույնության մասին հանդիսանում է մարքսիստական փիլիսոփայության ղեկավար, փիլիսոփայություն, որն առաջնայինը համարում է մատերիան, իսկ երկրորդայինը՝ գիտակցությունը, որ մարդկանց

56 Վ. Ի. Լենին, ԵԼԺ, հ. 17, էջ 358.

57 Ստ. Շահումյան, ԵԼԺ, հ. 2, էջ 49.

58 Նույն տեղում, էջ 50.

գիտակցությունը պայմանավորվում է նրանց կեցության միջավայրով և մեթոդով Բողոքականության հակադասական տեսակետը և բացահայտելով նրա վնասակարությունը, Ստ. Շահումյանը գրել է. «Կեցության ու գիտակցության նույնության նրա դրույթը, ըստ իս, կործանում է Մարքսի ամբողջ սխառումը»⁵⁹։

Անդրկովկասի ու Հայաստանի բոլշևիկներն անդուլ պայքար են մղել «Մարքսի սխառումի» համար, դիալեկտիկական ու պատմական մատերիալիզմի համար։ Ստ. Շահումյանը ցույց է տվել, որ հեղափոխական սոցիալ-դեմոկրատիայի «ռուժ» ու հպարտությունը կազմող մարքսիստական փրիստոփայություններ միայն կարող է և, իրոք, տալիս է բնության ու հասարակության զարգացման օրինաչափությունների ճիշտ ըմբռնում, ինչ վերաբերում է բուրժուական փրիստոփայությանը՝ իր զանազան նորագույն «ուղղություններով», ապա այն ապրում է խոր ճգնաժամ և դրա արտահայտություն է նաև էմպիրիոկրիտիցիզմը։ Բացահայտելով այդ «նոր» հոսանքի ղեկավարները, Ստ. Շահումյանը գրել է. «Ով ծանոթ է բուրժուական փրիստոփայության և հասարակական գիտությունների մեջ իշխող «էմպիրիոկրիտիցիզմ» կոչվող «նոր» ուղղության հետ, նրա համար հասկանալի կլինի, որ այդ երևույթը մի բացատրիկ և պատահական երևույթ չէ։ Նույնացնել իրականությունը «գիտակցության» հետ, «գաղափարի» հետ և ապա ժխտել այդ իրականությունը հանուն վերացական «գաղափարի», հետո միատիկական ու ֆանտաստիկական կերպարանքով ներկայացնել կենդանի հասարակական պրոբլեմները և միաժամ ընթերցողների աչքերին թող փչել, շփոթություն առաջացնել անգիտակից մասսաների ուղեղներում, ահա ինչ է տալիս հասարակական գիտությունների «կրիտիցիզմը», բուրժուական փրիստոփայության այդ վերջին խոսքը»⁶⁰։

Ստ. Շահումյանը նշում էր, որ ժամանակակից բուրժուական սոցիոլոգիային խորթ է զարգացման գաղափարը և այն ներծծված է կեղծիքով։

Անդրկովկասի բոլշևիկները, հակահարված տալով հակակոմունիստական հոսանքներին ու շեղումներին, կազմակերպեցին Վ. Ի. Լենինի «Մատերիալիզմ և էմպիրիոկրիտիցիզմ» գրքի և ընդհանրապես մարքսիստական փրիստոփայության ուսումնասիրությունը։ Տեսականորեն պատրաստված այնպիսի գործիչներ, ինչպիսիք էին Ստ. Շահումյանը, Գ. Օրջոնիկիձեն, Պ. Զափարիձեն, Ս.-Սպանդարյանը, Մ. Ազիզբեկովը, Ե. Ստասովան, Ա. Ենուկիձեն, Ն. Նարիմանովը, Ս. Կասյանը և ուրիշներ, հանդես էին գալիս զեկուցումներով ու զրույցներով, գիտահանրամատչելի հոդվածներով, որոնց մեջ պարզաբանում էին դիալեկտիկական ու պատմական մատերիալիզմի հիմնական դրույթները։

Հայաստանի բոլշևիկներն իրենց հերթին ամեն կերպ աշխուժացնում էին գաղափարական աշխատանքը։ Առանձնապես պետք է նշել Երևանի սոցիալ-դեմոկրատական կազմակերպության գործունեությունը, որտեղ ակտիվ դեր էին կատարում Գ. Սոկոլովսկին, Գ. Աթարբեկյանը, Արշ. Մելիքյանը և ուրիշ բոլշևիկները։ Նորագիտակ մարքսիստ Արշ. Մելիքյանը հաճախ էր հանդես գալիս փրիստոփայական թեմաներով ու պաշտպանելով դիալեկտիկական մատերիալիզմը, ուժգին հարվածներ էր հասցնում իդեալիզմի կողմնակիցներին։ 1911 թ. Երևանում «Նոր ձայն» թերթի № 8-ում լույս տեսավ նրա փրիստոփայական հոդված-գրախոսականը, որտեղ նա խիստ քննադատության ենթար-

⁵⁹ Նույն տեղում, էջ 109։

⁶⁰ Նույն տեղում, էջ 291։

կեց դաշնակցական «թեորետիկ» Ե. Ֆրանզյանի «Ե. Կ. Միխայլովսկին որպես փրկիստիա-սոցիոլոգ» գիրքը: Մեկիքյանը ցույց էր տալիս, որ Ե. Ֆրանզյանի ողջ «փրկիստիայությունը» հանգում է Մախի, Ավենարիուսի, Նիցշեի, Շուպենհայուերի, Միխայլովսկու և այլոց հետադիմական գաղափարների խառնաշփոթ քարոզին: Նա մերկացնում է նաև «սպեցիֆիկ» Բաշխի Իշխանյանին, այդ «սուտ մարքսիստին», «ռևոլյուցիոնիստին» և մատնանշում, որ նրան պետք է «զուրա վանել մարքսիստների շրջանից»: Իհարկե, դա չի նշանակում, թե Բ. Իշխանյանը երբեիցե եղել է մարքսիստ: Խոսքն այն մասին է, որ նա հավակնում է այդպիսին լինելու և, ինչպես նշել է Ստ. Շահումյանը, նույնիսկ փորձում էր «հավատացնել միամիտ հայ ընթերցողին, թե նրա բերանով խոսում է ինքը՝ Կարլ Մարքսը»⁶¹: Իրականում նա հանգես էր գալիս որպես մարքսիզմի թշնամի, և բոլշևիկները անարգանքի սյունին են գամել նրան ու նմաններին: Ստ. Շահումյանն ընդգծել է, որ «հարկավոր է անխնա հարվածել ու հալածել մարքսիզմը շահագործող ու ապականող այդ բախշիններին»⁶²:

Այդպիսի հարվածողներից էր նաև Սարգիս Կասյանը՝ Անդրկովկասի հեղափոխական շարժման ու բոլշևիկյան կազմակերպության ականավոր գործիչներից մեկը: Տեսահանդերն պատրաստված Կասյանն իր աշխատություններում («Գոգուկյան», տգիտության և տհասության արդյունքները», «Թեոդուր զրական ասպարեզում և գիտության մեջ») մերկացրեց Բ. Իշխանյանին և մասնավորապես նրա «Տնտեսական զարգացման ֆազերը» գրվածքը, որը Կ. Բյուխերի ու բուրժուական այլ տնտեսագետների հակազիտական, իդեալիստական հայացքների վերաշարադրումն էր: Դրանով հանդերձ Իշխանյանն իրեն համարում էր «զուտ մարքսիստ», իսկ իր կեղծագրերը՝ «մարքսիստական»: Ս. Կասյանը հիմնովին մերկացնում է այդ ինքնառեկկամն ու փառամոլությունը և ցույց տալիս, որ պետք է «պաշտպանենք բանվորության գիտակցությունը» «սպեցիֆիկական» այլասերումից: Ս. Կասյանը հանգես է գալիս որպես մարքսիստ-տնտեսագետ, գիտական սոցիալիզմի գաղափարների անխոնջ պրոպագանդիստ: Նա գրել է. «Մարքսի և էնգելսի անզուգական ծառայությունը մարդկությունն պատմության ըմբռնողության վերաբերյալ կայանում է նրանում, որ տվել են մեզ մարդկային պատմությունը՝ իր բոլոր ասպարեզներով, մոնիզմո-մատերիալիստականորեն ըմբռնելու անհաղթելի թեորիան, հիտեապես և այն «զիտական հետազոտության հատուկ դիագնոզը», որի համաձայն ուսումնասիրում ենք տնտեսական կյանքի զարգացումը»⁶³:

Ռեակցիայի տարիներին էլքիածնի Գևորգյան ճեմարանում գործում էր մարքսիստական խմբակ՝ բոլշևիկներ Երեմիա Բակունցի և Երվանդ Գարագաշյանի ղեկավարությամբ: Նրա գործունեության մասին Ե. Բակունցը պատմում է. «Զնայած նրան, որ շատ ընկերներ ունեցիայի հետևանքով, տարվելով Կանտով և բերդյաևականությամբ («Վեխի»), լքեցին մեր շարքերը, բայց մարքսիստական խմբակը հաստատակամ շարունակեց իր աշխատանքն ուսանողական ու հասարակական շարժումների ղեկավարության քնազավառում, կապ էր պահպանում Բաքվի ու Երևանի հետ, գրականություն ստանում Բաքվից ու Մոսկվայից»⁶⁴:

61 Նույն տեղում էջ 374:

62 Նույն տեղում:

63 «Հոսանք», 1 դեկտեմբերի 1906 թ.:

64 ՄԼԻՄ Հայկական մասնաճյուղի արխիվ, ֆ. 1, ց. 33, գ. 25, թ. 10:

Չնայած կղերականների հալածանքներին, ճեմարանի մի շարք ուսանողներ համարձակորեն պրոպագանդում էին մատերիալիստական, մարքսիստական գաղափարները նրանց գիտական շարադրությունների մեջ կարելի է հանգիպել այնպիսի թեմաների, ինչպիսին էին «Պատմության փիլիսոփայությունը և պատմական մատերիալիզմը», «Մատերիալիստական փիլիսոփայությունը XIX և XX դարերում» և այլն, որոնց մեջ արժարժվում էին առաջադիմական հեղափոխական գաղափարները։ «Մատերիալիստական փիլիսոփայությունը XIX և XX դարերում» թեմայով հանդես եկավ ճեմարանի շրջանավարտ, հետագայում բոլշևիկ Ալեքսանդր Մելիք-Աղաջանյանը։ Մախիստական «Միտք» ժողովածուի հրատարակությունից հետո նա գրեց մի շարք հոդվածներ՝ ընդդեմ հայ մախիստների և հատկապես Ծ. Ֆրանգյանի, Վերջինիս պատմափիլիսոփայության» սնանկության մերկացմանն էր նվիրված նրա «Հակասուլություններ և լմարաված մտքեր» ծավալուն հոդվածը։

Ճեմարանի առաջագիմ ուսանողներից էր նաև էդուարդ Ամատունին, որը սկզբում հարել է ձախ հնչականներին, իսկ հետո դարձել բոլշևիկ ու զոհվել սովետական իշխանության համար մղված պայքարում։ Ծեմարանում նա գիտական շարադրություն գրեց, որտեղ օգտագործելով Մարքսի, Էնգելսի, Պլեխանովի, Չերնիշևսկու աշխատությունները, մատերիալիստական դիրքերից քննարկեց XIX դարի գրական ուղղությունների հարցը։ Անցյալի լավագույն ավանդույթներն իրենց հետագա զարգացումն էին ստանում պրոլետարական գրականության մեջ, Ամատունին արդարացիորեն նշում է, որ այդ գրականության ամենահանճարեղ ներկայացուցիչը Մ. Գորկին է⁶⁵։ Պրոլետարական գրականությունը կոչված է նպաստելու աշխատավոր մարդկության ազատագրման գործին, այն ժամանակ, երբ բուրժուական գրականությունն ամեն կերպ գովերգում ու հավերժացնում է կապիտալիզմը։ Ամատունին մերկացնում է գրականության մեջ տեղ գտած ռեակցիոն ուղղությունները։ Նա հատկապես խարազանում է նիցշեականությունը և այն համարում «մեռնող արիստոկրատիայի վերջին, ջղախին, զորեղ ցնցումն ու արյունոտ հուսահատական հաուլը»⁶⁶։ Նա քննադատում է նաև դեկադենտներին և ընդգծում, որ նրանց «պոեզիան բուրժուազիայի անկման նշանն է», հասարակության ծաղրածանակը⁶⁷։

Ռեակցիայի տարիներին, երբ ռեժիմացան անկոմային տրամադրությունները, անդրգվելի մնաց հայ պրոլետարական գրականության ականավոր ներկայացուցիչ Հակոբ Հակոբյանը, որը բոլշևիկյան կուսակցության ղեկավարությամբ ու Մ. Գորկու անմիջական ազդեցությամբ դարձավ հեղափոխության իսկական մարտիկ-բանաստեղծ։ «1904—1909 թվականները, — հետագայում պատմել է Հակոբյանը, — հղել են իմ ամենանեռանդուն գործունեության տարիները, թե՛ կուսակցական և թե՛ լեզու-անլեզու պրոլետարական գրողի հետաքրքիր շրջանը...»⁶⁸։

Հ. Հակոբյանը ծավալում է եռանդուն հեղափոխական գործունեությունը նրա մասին Թիֆլիսի ժանդարմական գրադրություններից մեկում ասված է. «Հակոբ Մնացականի Հակոբյանը, գործակալության 1909 թվականին վերա-

65 Մ. Վ. Արզումանյան, *նշված աշխ.*, էջ 137։

66 Նույն տեղում, էջ 209։

67 Նույն տեղում, էջ 222։

68 Հ. Հակոբյան, *Երկերի ժողովածու*, հ. 1, Երևան, 1951, էջ 353։

բերող տվյալների համաձայն, մտել է տեղական սոցիալ-դեմոկրատական կազմակերպության (բոլշևիկյան) մեջ, նրանում գրավել է աշխր ընկնող դիրք, եղել է հիշյալ կազմակերպության գրական բյուրոյի անդամ, մասնակցել է նրա բոլոր ժողովներին: Կազմակերպության մեջ Հակոբյանը հայտնի է «Պրոլետար» ժամկանունով»⁶⁹,

Հակոբյանը անմիջականորեն աշխատակցում է կուսակցության կենտրոնական օրգան «Պրոլետարի» թերթին: Ոստիկանության մի հաղորդագրությունից երևում է, որ «Պրոլետարի» թերթը 1908 թ. Թիֆլիսում ստացվում էր Հակոբյանի անունով»⁷⁰:

Իր հեղափոխական գործունեության համար Հակոբյանը սխտեմատիկաբար ենթարկվում էր հալածանքների: Առանձնապես հաճախակի էին խուզարկությունները: 1909 թ. սեպտեմբերի 15-ի գիշերը տեղի է ունենում նոր խուզարկություն, որի առիթը նրա «Նահատակներ» բանաստեղծության հրատարակությունն էր՝ «Պրոլետար» ստորագրությամբ, ժանգարմական գրագրության մեջ նշված է, որ այդ բանաստեղծությունն ուներ «սոցիալ-դեմոկրատական ոգի»:

Հակոբյանը հմուտ կոնսպիրատոր էր և հաճախ նրան հաջողվում էր դուրս պրծնել ոստիկանական ծուղակից: Նա 1909 թ. ամռանը ձերբակալվում է, սակայն ազատվելուց հետո նորից ծավալում եռանդուն գործունեություն. «Ազատ կացուցվելուց հետո էլի հանգիստ չմնացի, սկսեցի գրել արտասահման՝ Միխային [Միխ Յիսակայանի] գլխիս եկած օյիների մասին և ուղարկեցի մի ընդարձակ թղթակցություն ժնեի «Պրոլետարի» թերթին, որ խմբագրում էր ընկեր լենինը, «Նամականեր Մետեխից» վերնագրով: Ստացա թերթի համարը, թղթակցությունս տպագրված էր. ուղարկեցի երկրորդը, որ նույնպես տպագրվեց: Ու մի օր էլ «Պրոլետարի» հերթական համարը ստանալով՝ տեսնում եմ փոստարկղում հասցեիս հարց:

«Ընկեր Պրոլետարին. Թիֆլիս. Ինչո՞ւ եք լռել... շարունակեցեք, սուսում ենք»⁷¹:

Երգելով հեղափոխության մարտիկների հիշատակը, բոլշևիկ-բանաստեղծը մասսաներին կոչ է անում լցվել նոր ուժով և պատրաստվել հաղթական պայքարի.

Սովոր բանտերի բիրտ տառապանքի,
Շատ ես դիմացել, դիմացիր էլի,
Եղբայր սիրելի,
Հավատ ունեցիր հաղթիդ վերջնական,
Այսօր չէ վաղը քոնն է ապագան...

1909 թ. նա գրեց իր նշանավոր «Նոր առավոտ» պոեմը, որտեղ, խառնազանելով սուրբկետիվիզմն ու ինդիվիդուալիզմը, ընդգծում է պրոլետարիատի դասակարգային պայքարի վերընթաց գիծը և հանգում այն խորիմաստ եզրակացության, որ շնայած ճանապարհի ճանձուկ է ու փշոտ», բայց նա անշեղորեն տանում է դեպի վառ ապագան, «Ոսկե առավոտ», «Նոր առավոտ»,

69 ՍՍՀ ԿԳՊԱ, ֆ. 3, գ. 525, թ. 13:

70 ՍՍՀ ԿԳՊԱ, ֆ. 3 գ. 22, թ. 88:

71 Հ. Հակոբյան, Երկեր—Տ. 1, էջ 353:

այսինքն՝ պրոլետարիատի ու աշխատավոր զանգվածների ազատագրումը:

Բոլշևիկ-բանաստեղծը ջանք չէր խնայում, որ, ի հակադրություն անկումային գրականության, ժողովրդական զանգվածներին հրամցվի ոգեշունչ հեղափոխական գրականություն: Նա նշում է, որ պետք է «անգիտակից ու կիսագիտակից զանգվածներին դուրս բերել սիմվոլիստների, դեկադենտների, այդ նվվացող ու արտասովոր հիվանդ մարդկանց» ազդեցության տակից: «Զէ որ այդ պարոնները մասսաների վզին են փաթաթում իրենց անձնական-անհատական ապրումները և իրենց սուբյեկտիվ թոթովանքները ձգտում են վերածել պաշտամունքի: Ահա թե ում և ինչի դեմ պետք է պայքարել»⁷²: Պրոլետարական գրող Հ. Հակոբյանը հեղափոխության տեղատվության ժամանակ էլ մնաց բարիկադների վրա և ցուցաբերեց բոլշևիկյան հետևողականություն: Հ. Հակոբյանին դիպուկ է գնահատել Ա. Լոմաչարսկին. «Հակոբ Հակոբյանի ստեղծագործության մեջ հենց սկզբից ամենաօրիգինալն, իհարկե, այն էր, որ նա ոչ միայն հեղափոխական պոետ էր, հեղափոխական պոետներ հղել են և ուսուսական, և եվրոպական գրականության մեջ, այլև, որ նա սոցիալ-դեմոկրատ պոետ էր, այդ բառի այն ժամանակվա ամենալավագույն իմաստով, բոլշևիկ-պոետ, պրոլետարական պոետ»⁷³:

Հ. Հակոբյանի բարերար ազդեցությունը հայ գրականության վրա մեծ էր: Նրա հեղափոխական ուղիով զնաց հայ պրոլետարական գրամատուրգիայի հիմնադիր Անուշավան Վարդանյանը, որը դուրս էր եկել բանվորական միջավայրից և 1907 թ. մտել բոլշևիկյան կուսակցության մեջ: Հեղափոխական պաթոսով էր համակված տաղանդավոր բանաստեղծուհի Շ. Կուրդիյանի պոեզիան:

Ռեակցիայի տարիներին դադափարական սուր պայքար ծավալվեց նաև գրաքննադատության ու պատմագիտության ասպարեզում: Բոլշևիկները, մերկացնելով կղերաֆեոդալական ու բուրժուանացիոնալիստական մտահայեցողությունը, պայքարում էին մշակույթի բոլոր բնագավառներում և մասնավորապես հասարակագիտության մեջ մարքսիստական սկզբունքների կիրառման համար:

3. ԺՈՂՈՎՐԴԱԿԱՆ ՀՈՒԶՈՒՄՆԵՐԸ ԶԱՅԱՍՏԱՆՈՒՄ ՌԵԱԿՑԻԱՅԻ ՏԱՐԻՆԵՐԻՆ

Զնայած ռեակցիայի տարիներին հեղափոխական պայքարը ինչպես Ռուսաստանում, այնպես էլ Անդրկովկասում ու Հայաստանում՝ ընդհանուր առմամբ անկում ապրեց, բայց և այնպես այն բոլորովին չդադարեց, Այդ առթիվ Սոս. Շահումյանը 1908 թ. գրել է. «Որքան էլ ուժեղ լինի ռեակցիան, նա չի կարող կանգնեցնել կյանքը և ժամանակակից կյանքի զլխավոր ներվը՝ դասակարգային պայքարը: Եվ այդ պայքարը երկաթյա անհրաժեշտությամբ պրոլետարիատին թելադրում է համախմբվել, կազմակերպվել»⁷⁴:

Ռեակցիայի տարիներին Հայաստանի աշխատավոր զանգվածների ելույթները հիմնականում ունեին տնտեսական բնույթ, բայց ըստ էության ուղղված

⁷² ՄԼԻ-ի ԿԿԱ, ֆ. 157, ց. 2, գ. 57, թ. 45:

⁷³ Апол Аполян, Новое утро, с предисловием Л. Луначарского, М.—Л., 1928, стр. 5.

⁷⁴ Սոս. Շահումյան, Երկեր, հ. 2, էջ 91: